

## EW NAMOPU'IG

A forata ew Special Committee an epwe kao ngeni me atononga ew anapanapen annuk fan asengessin sakaw non Chuuk, me pwan ren ekkoch popun.

Epwe Pung me ren ewe Legislature-un ewe Muun Chuuk pwe:

Tetten 1. Ekiekin me Mefian. Iei ekiekin me mefian ewe Legislature pwe epwe fori ekkesiwin ngeni ewe annuk fan asengessin tumunun sakaw me non Chuuk pokiten iei och mettoch mei wesewesen auchea me namotan ngeni pekin moni tonong me nonomwun aramas. Ei Special Committee mei namot an epwe nenengeni me awora mefian ren auchean anapanap fan asengessin tumunun ewe sakaw.

Tetten 2. Special Committee. Ew Special ren fumon choon iei a foruta. Ewe Speaker epwe finata nimmon seni ekkei tetten: ruomon seni pekin sopai, unumon seni unusen aramas. Ewe Chairman-un Resources & Development Committee epwe wisen chairman non ei Special Committee, ewe Chief of Police epwe Vice-Chairman.

Tetten 3. Pochokunen ewe Special Committee. Ei committee epwe angang fan unusen pochokunan ewe committee mei mumuta me non Annukun Chuuk 27-37 (Itenap 21, Sopun 4 me non ewe Pukenapen Annukun Chuuk) wisan an epwe nene-ngeni me awora mefian ngeni ewe Legislature fan itan ewe anapanapen annuk ren tumunun sakaw non Chuuk. Auchean mettoch me kianin pochokunan an kao epwe pwan ngeni mettoch meinisini mei kanengeni popun an kao me fori mefian ren tumunun sakaw.

Tetten 4. Nangatamen Fansoun. Ei committee epwe fori an angang non nangatamen fansoun an angang tori an pusin muchuno me ren chomongen uttut seni pusin monun ei committee ika annuk forien ewe Legislature.

Tetten 5. Report ngeni Legislature. Ei committee epwe awora mefian me mwochenin ngeni Legislature fan May, 1979.

Tetten 6. Fiti Mwiich. Esap wor monun ei committee epwe etiwano mwiich fan ruu(2) ren ese nifinifin popun. Ika emon a etiwano mwiich fan ruu(2) i esap tongeni chiwen fiti angangen ewe committee iwe ewe Chairman epwe wisen esine ngeni non taropwe pwe a tou. Iwe, nge ewe Chief of Police epwe finata emon tupun nge i mei chiwen chokchon ei committee.

Tetten 7. Tupun Meinisini. Soposopunchon ei mwiich epwe tongeni kefinita seni ewe Speaker. Ekkei tupun meinisini resap tongeni fiti uttut, ika


fen pwan pachenong non ewe annukun fiti mwiich nge repwe chok fiti poporaus non mwiich.


Tetten 8. Aukukun choon Mwiich. Aukukueochun chon mwiich an epwe tongeni fis an angang epwe fomon. Ika epwe seni pokiten katoun ekkoch monun mwiich fan pungun Tetten 6 iwe a cho-kukkununo chon mwiich, ewe pocho-kun ren aukukun monun mwiich epwe chok anongonong won chomongun monun mwiich non napanapeochun.

Tetten 9. Chokukunun Monun Mwiich. Ika pwe seni och popun nge a chokukununo monun ewe committee fan kukkun seni nimon ewe chairman epwe mutir esinei ngeni ewe Speaker ewe epwe pwan finata ekkoch minafon monun ewe committee ren an esap kukkun seni nimon ar repwe wesewesen aponueta wiser non napanapeochun.


Tetten 10. Ese Wor Niwin me Ese Wor Per Diem. Esap wor niwin me per diem ngeni monun ei committee, chinoon chok ren chon angangen muun ar repwe nom won administrative leave. Nge repwe angei niwinir.

Tetten 11. Poputan Pochokunan. Ei Annuk epwe poputa pochokunan fansoun an kapunguno me ren ewe Kepina, ika atun chok an pusin winiti annuk, nge esemwo pwan chiwen kapunguno.

Sain seni:   
Tadashi C. Wainit, Speaker  
Legislature of the State of Truk

Annetata:   
Datas Albert  
Legislative Clerk/Secretary  
Legislature of the State of Truk

Pwinin maram: \_\_\_\_\_

Kopunguno seni:   
Erhart Aten, Kepina  
Truk State Government

Pwinin maram: 